

Czwickaw, vrauuen Konnen, siner huzvrouwen, und allen iren kinden ein stücke ackers zcu einem rechten erbe, daz da lihet und gelegen ist hinder der kirchen czu Mergental herwert kegen der stat. Diszer lihunge und vorgeschribener rede synt geczugen di erwern prister her Ulrich von Kuschwicz, her Peter Swertfeger und di wiszen bescheiden lute Heinrich uz dem steinhuz, Heinrich Lebenberg, Hans Kirtscher, Ebirlin von Plauwen, Herman Crassel, Nickel Czchakan, der alde Nickil von Wida, burgere czu Czwickaw, und vil andir czeugbar lute. Daz wir alle desze vor geschribene rede und glubde stete und gancz halden wollen und alle unsere nachkomelinge halden sullen unverruckt ane argelist, des gebe wir dem obgnanten Peter Francken, burger zcu Czwicka, vrouwen Kunnen, syner huzvrouwen, und allen iren kinden diszen unsern offen bryff czu urkunde und bekentnisz, der gesterket und gemechtiget ist mit unserm obgnanten Hartmuden, probistis czu Isenberg, und mit der sampnuge gemeynlich der heiligen junckvrauuen des clostirs doselbens anhangenden insigiln, der ggeben ist noch Cristi geburte dryczehen hundert jar dar nach in dem sibenzigisten jare an dem nehesten vrytage vor Elizabeth.

Hirumme habe wir ratmanne dy uszschrift des brives in dis buch lazen schriben czu eynen gedechtenisze unser nachkomeligen, daz dis erbe in di stat gehoret und man daz hinus uff daz dorff kegen Mergental nicht sal lazen arbeiten sunder in di stat ewiglich, darumme daz iz er Jocoff, pharrer czu Mergental, czu der pharre manche czit mit gunst gearbeit hatte noch synem tode und synes bruder Nickel Francken sprach Ffrenzel Francke, daz iz lehen gut were, domite er is us der^{a)} stat mochte bracht haben. Actum anno quo supra sabbato Jubilate.

a) ursprünglich der us, änderung der Reihenfolge durch übergeschriebene Buchstaben angezeigt

236.

1411 Mai 23

Nickel und Peter Glimel bekennen eine Schuld.

fol. 34v ^{a)}Wisset daz vor uns komen sint Nickel der^{b)} wenige Glimel und Petir Glimel und haben daz vor uns uff gelaszen alle ir erbe und guter,^{c)} dy sy Mattis Murbyr von Nickel Gernolden wegen von Richenbach und aller siner erben vor 12 sch(ock) nuwer gr, dy sy ym bezalen sullen ane vorczog von den nesten phingistheiligen tagen ubir czwey jar. Geschege daz sy sumyg wurden und nicht bezalten, alze obengeschr(ieben) stet, so magen ir vormunde Mattis egnanter ire erbe ane ufgebot vorsetczen adir vorkouffen vor dy gnanten 12 β. Actum post ascensionis sabbato Domini anno quo supra.

a) alles durchgestrichen b) ursprünglich dem Buchstabe m durchgestrichen und durch übergeschriebenes r ersetzt c) folgt durchgestrichen vo